



UNIVERSITÄTS-
BIBLIOTHEK
PADERBORN

Universitätsbibliothek Paderborn

Theologia Moralis

Antehac Ex Probatis Auctoribus breviter concinnata

Busenbaum, Hermann

Coloniae Agrippinae, 1713

Q. 17. Quid dicendum sit de illo, qui accepto stipendio non legit Missam talem, qualis petita est aut non eo tempore.

urn:nbn:de:hbz:466:1-42624

nam pro Defuncto debet minùs differri, quàm pro vivo, cùm defuncto gravissimum incommodum sit, carere levamento in tantis pœnis. Item pro necessitate, quæ non patitur moram, v. g. pro præsentis periculo vel infirmitate adhuc minùs differri debet, ut patet, & ideo *Urbanus* in suo decreto mandat, non plures Missas suscipi, quàm quæ *intra modicum tempus* possint legi.

156. Q. 15. *Quid faciet, qui obligatus est ad pluri-
mas Missas, quas omnes legere non potest.* R. Im-
primis peccavit tot onera acceptando, sed sup-
posito, quòd acceptarit, & stipendia illa con-
sumpserit, ita ut nec per se possit satisfacere,
quia alias Missas legere debet, nec per alium,
quia pecuniam non habet, conari debet satisfa-
cere, quantum potest, v. g. gratis petendo Missas
ab aliis, si speret obtinere, quotidianas Missas
offerendo, ut profint, quantum possunt, illis, à
quibus accepit ea stipendia, applicando his,
quantum licitum erit, partem specialissimam si-
bi competentem, item eisdem applicando alia
opera, v. g. jejunia, orationes, demum etiam
audiendo Missas, eisque applicando fructum.

157. Q. 16. *An Sacerdos possit pro libitu disponere de
illis pecuniis, quas accipit pro stipendiis Missarum.*
R. Posse, quia sunt veluti fructus propriæ in-
dustriæ & laboris. *Nec obstat*, quòd fortè ad ta-
les Missas stipendiaras teneatur ex Capellania
collativa, nam adhuc hi fructus computantur
inter bona quasi patrimonialia, quia acquirun-
tur ratione proprii ministerii, *Sor. Nav. Vasq.*
Sanch. Lugo, Diana, Quarti, Henao supra Parer-
go 30.

158. Q. 17. *Quid dicendum sit de illo, qui accepto
stipen-*

stipendio non legit Missam talem, qualis petita est, aut non eo tempore. R. §. 1. Quamvis multi cum *Aversa* q. 11. §. 18. §. primò, dicant eum satisfacere, qui legit Missam de tempore, quando ad hanc magis afficitur, licet stipendium acceperit pro Missa de *Requiem*: Idemque admittant *Nav.* & *Lugo* De Euch. q. 21. n. 35. Si non ideo acceperit stipendium notabiliter majus, tum quia est eadem substantialiter Missa, tum etiam, quia alia Missa est longior, & devotio Sacerdotis erit major, ideoque addunt, nequidem opus esse addere collectam pro defuncto; tamen rectè dicit *Gob.* à n. 617. si expressè promiserit Missam de *Requiem*, sub veniali ad hanc teneri, si per Rubricas tum possit legere, maximè quia Missa de *Requiem* ex se magis prodest defuncto, pro quo fiunt speciales orationes etiam nomine Ecclesiæ, *Pasq.* q. 287.

§. 2. Quando per Rubricas non est licitum legere talem Missam, qualis petita est, per Missam de tempore obtinetur omnis Indulgentia, quæ obtineretur per Missam de *Requiem*, uti statuerunt *Alex. VII.* die 5. Aug. 1662. & *Clemens IX.* die 23. Sept. 1669., ut sic nulla superesset causa rationabilis mutandi ritum ab Ecclesia præscriptum. 159.

§. 3. Ad quid sit obligatio, quando fundatio præscribit Missas certo loco vel tempore, in certo Altari vel certis diebus legendas, dixi l. 4. à n. 823. Putantque *Henriq. Graff. Bonac. Barb.* de pot. Episc. alleg. 29. n. 8., Episcopum posse concedere, ut Missa in alia Ecclesia vel Altari celebretur, si ob justam causam celebrari nequeat in loco constituto. Quòd si corruat vel impediat templum, in quo tenebatur legere, si

Missæ intendebantur principaliter ob splendorem & cultum loci, erit interim liber ab onere Missarum. E contra si principaliter intendebatur Missa ipsa, ad hanc tenebitur in alio templo. *Aversa* f. 18. in fine.

161. §. 4. Si Sacerdos teneatur, v. g. ter de septimana legere, potest hac septimanâ anticipare pro sequente, nisi aliud colligatur ex verbis, vel fiat in præjudicium alienum, uti si Missæ essent constitutæ pro commoditate audientium aut pro necessitate successivè morientium; tum enim anticipari non possent, *P. Nav. Bon. Lugo* & alii cum *Aversa* §. septimò.

162. Q. 18. Quid notandum sit circa Sacerdotem, qui ex voto tenetur ad Missam. R. §. 1. Qui vovit legere Missam, v. g. in gratiarum actionem, quia sanatus est, non potest pro tali Missa acceptare stipendium, quia intentio voventis præsumitur esse, quòd velit Deo dare Missam non aliunde debitam ex iustitia, *Pasq.* q. 875. & 954.

163. §. 2. Si quis sibi reservasset applicationem fructûs Missæ, quam vovisset, docet *Pasq.* posse quidem hunc gratis applicare, cui volet, sed non ideo posse acceptare stipendium, quia videtur fructum illum vendere: Contradicit *Tamb.* quia non ideo vendit, sed pro ejus applicatione acceptat stipendium, uti pro tota Missa acceptare posset.

164. §. 3. Probabile est votum etiam unius Missæ obligare sub mortali, quia materia hujus voti, quæ negligitur, est gravis, cum sit oblatio Sacrificii infiniti Deo debiti, cultus Religionis perfectissimus Deo debitus, actio præcipua, per quam homo uniri potest Deo &c. *Pasq.* q. 871.